

Sel Prestuhn Thomas S. Monson



# Mwe Sang luhn Auliyak

“**M**a kunacsr pa in kapwack liki suhfal nuh ke wo liki, liki tiac oraclah wo nuh ke oraclah wo,” Prestuhn Thomas S. Monson el tuh luti. “Orekma lasr pa in sifacna eklac wo. Sie mwe sang wowo emet luhn God pa engan ke sifilpac srihke, tuh tiac oraclah wo uh tiac enenuh sahflahiyac uh.”<sup>1</sup>

Kuht kwacna wi muhtwacwaciyacn sie yac sasuc ke oraclah olwelah kuh finsrak uh. Kuht sokwack in ahkwoye, in ekuhllah, ac in sifil srihke. Sahp ohiyac yohk srihpac emet kuht kuh in sifil srihke uh pa in tahpuhk ma Prestuhn Monson el pahngon “mwe sang luhn auliyak uh.”<sup>2</sup>

Ke ma itucklac ten inge ke luti lal ke el tuh Prestuhn-lac luhn Alu uh ah, Prestuhn Monson el ahkkweye kuht in “orekmakihn srah in iwacлах luhn Kraist tuh kuht in eis nuhnak muhnahs ke ma koluk lasr, ac insiacsr in nwacsnwacslah.”<sup>3</sup>

## Ma Usrnguck ke Nuhnak Muhnahs

“Kuht nohfohn oraclah sulaclah sesuwos uh. Kuht fin soenna ahksuwosyelah sulaclah ingacn, nga ahkpwacyei nuh sum lah oasr inkacnek se nuh kac. Ohiyac sacn pa pahngpahng auliyak. Nga kwacfe suwos in ahksuwosyeh tahfonglac lowos. Mwet Lahngo El misac in use nuh sum ac nga mwe sang ahkinsewowoyeyuck sacn. Finne inkacnek kac uh tiacna fihswacs, tuh olwelah kac uh pwacye: ‘Kowos tuhn srusrala ke ma koluk lowos, tusruktu nga fah oulkowosla in fasrfasr oana snow’ [Isaiah 1:18]. Ac Nga, Leum, fah tiac sifil esam [liye D&C 58:42]. Tiac sang moule ma pahptaht lom in puhtatlac. Kom fin oruh ma koluk,

ke kom san na suk inkacnek in fohlohklac lom, kom fah sana sokwack mihs ac engan wowo ma ac tuhkuh ke ma usrnguck ke nuhnak muhnahs uh.”<sup>4</sup>

## Fohlohk nuh ke Inkacnek

“Tuh ma pwacye lah yohk srihpac kuht in oruh sulaclah lahlmwetmwet, oasr pacl kuht oruh sulaclah lahlfon. Mwe sang luhn auliyak, ma sin Mwet Lahngo lasr, lwelah kuht in ahksuwosyeh moule lasr, kuht in muh kuh in fohlohk nuh ke inkacnek ma kol kuht nuh ke wolacna celestial, ma kuht suk uh.”<sup>5</sup>

## Inkacnek in Fohlohk

“Fin kuhtwena suwos tikuckkucyak ke fuhfahsryucsr lal uh, pwacyena nga fahk nuh sum lah oasr inkacnek in fohlohk. Orekma kac an pahngpahng auliyak. Finne inkacnek uh upac, molwelah ma pahptaht lom an enenuh kasruh kac. Meac yohk srihpac likina kuh lom uh? Nga kwacfe sum in nuhnkuh inse ac ingacn ip enenuh nuh ke auliyak nohfohn. Sa lom in oruh, sa lom in puhla mihs ac ma mahmah ac ma pwacye sruhmuhnyuck sel Isaiah ah [liye Isaiah 1:18].”<sup>6</sup>

## Mwet uh Kuh in Eklac

“Kuht enenuh in sang nuh in mwe nuhnak uh lah mwet uh kuh in eklac. Elos kuh in fihliyah nuh sahyac oruh koluk lalos an. Elos kuh in auliyak ke ma koluk uh. Elos kuh in nwacsnwacs in orekmakihn pristut. Ac elos kuh in oaru in kuhlhwacnsapuh Leum.”<sup>7</sup>

## In Sifilpac Nwacsnwacslah

“Kuh enenuh in oasr ma suhfal ke moul lom uh, ikack nuh sum inkacnek in fahsr liki. Tui in oruh ma sesuwohs. Sramsram nuh sin pisap lom an. Oacna sie elyah, ma ingacn kuh in ahkfasryeyucklac ke auliyak pwacye. Kom kuh in sifil eklac nwacsnwacs.”<sup>8</sup>

## Ma Kunac Yohk Srihpac luhn Mwet Lahngo

“Ma yohk srihpac ke plwacn [luhn molwelah] uh pa Mwet Lahngo lasr, Jisus Kraist. Fin wacngihn kihsac in iwacлах Lal, ma nuh kwewa tuhlac. Suhfal, finne ohinge, in luhlahlfongi na Kacl ac ke misin Lal. Kuht enenuh in orekma ac lotwelah, suk ac pruhe, auliyak ac ahkwoye. Kuht enenuh in etuh masap luhn God ac moulkihn. Kuht enenuh in eis akwuck in molwelah Lal. Ke ohiyac se inge muhkwenpa pa kuht kuh in eis engan pwacye ac kawihl.”<sup>9</sup>

### MWE KAHSRUH

1. “The Will Within,” *Ensign*, May 1987, 68.
2. “Choices,” *Liahona*, May 2016, 86.
3. Mosiah 4:2.
4. “The Three Rs of Choice,” *Liahona*, Nov. 2010, 69.
5. “Choices,” 86.
6. “Keep the Commandments,” *Liahona*, Nov. 2015, 85.
7. “See Others as They May Become,” *Liahona*, Nov. 2012, 68.
8. “Priesthood Power,” *Liahona*, May 2011, 67.
9. “The Perfect Path to Happiness,” *Liahona*, Nov. 2016, 80–81.

## LUTI KE PWENG SE INGE

Kuht nohfohn sesuwohs—muhkwena ke mwe sang luhn auliyak ma oreklac kuh ke kihsackuhnlah luhn Jisus Kraist kuht in kuh in nwacsnwacslah liki ma koluk ac ahkwoye moul lasr uh. Nuhnkuh in sramsramkihn yurin mwet kom luti an ohiyac kuht kuh in “ahkwoyelah ohiyen inkacnek lasr” ke auliyak. Ohiyac ma elos puhla fototoeni nuh sin Pahpah Lucng ac Jisus Kraist ke eklac wowo elos oraclah ke moul lalos uh? Kom kuh som suli mwet kom luti an in suhmuhslah eklac in nguhn nuh ke yac sasuc uh ac in eis kunac nuh sin sie kawuck, tuhma, kuh mwet sahyac ke sucu an nuh ke oraclah wowo lalos.

## MWET FUHSR

### Sokwack in Auliyak

**P**restuhn Monson el ahkuhtweyac lah “ma kunacsr pa in kapwack liki suhfal nuh ke wo liki, nuh ke tiac oraclah wo nuh ke oraclah wo. Orekma lasr pa in sifacna eklac wo.” Mewt puhkantwen kihsacлах Jacnweri

in oraclah finsrak ac olwelah ke oraclah wo: in isracsr yohk, mongo wo, kuh lotwelah ohiyac sasuc. Tuh ke finsrak inge kuh in kahsrwe kom eklac nuh ke wo liki met ah, ohiyac wo emet in eklac uh pa ke auliyak.

Finne auliyak uh kuh in upac, pa ingacn sie mwe sang! Ke kuht luhlahlfongi Jisus Kraist ke auliyak ke ma koluk lasr uh, kuht kuh in kapwack ac oraclah wo. Prestuhn Monson el fahk, “Yohk srihpac nuh ke plwacn [in molwelah] uh pa Mwet Lahngo lasr. Fin wacngihnkihsac Lal, ma nuh kwewa tuhlac.” Ke auliyak, kom kuh in nwacsnwacslah liki ma koluk lom ac oraclah wo in eklac oacna El liki met ah.

Nuhnkuh ke sie ma ma kuh in eklac oacna Mwet Lahngo. Kuh kahs lom uh? Ohiyac in oruh nuh sin kawuck ac sucu lom uh? Tukun nuh nkuh ke ma kom kuh in oraclah wo, pruhe nuh sin Pahpah Lucng ac ahkka-hlwemye kena lom in eklac. Esam lah ke kuh ke lwacлах Lal, Jisus Kraist El kuh in kahsrwe kom kuhtanglah mwe muhnahs lom. Oacna Prestuhn Monson el luti, “Mwe sang luhn auliyak, utuckuh sin Mwet Lahngo lasr, oruh kuh nuh sesr in ahksuwohsye ohiyen inkacnek lasr uh.”

Tuh ke finsrak nuh ke yac sasuc uh kuh in kahsrwe kuht in kapwack, inkacnek wo emet in eklac uh pa ke auliyak.

Liye pac “Eight Myths about Repentance” at [lds.org/go/1186](https://lds.org/go/1186).

## TUHLIHK SRIHSRIHK

### Auliyak Pa sie Mwe Sang

**M**we sang ke auliyak uh el tiac sie mwe sang ma kom kuh in liye kuh kahl. Sahyacna, pa sie mwe sang ma kom kuh in puhla. Kalmac pa ke kuht oraclah sulaclah koluk uh, kuht kuh in sifilpac puhla auliyak ac mihs.

Pahpah Lucng ac Jisus Kraist fah kahsrwe kuht in auliyak pacl nuhkweewa. Sruhlwacлах sie petsac in wi kais sie step ke auliyak.

Kuht puhla toasr.

Kuht pruhe nuh sin Pahpah Lucng, fahk nuh Sel ma sikyak uh, ac sikyuck kahsrue Lal in oraclah sulaclah wo liki pacl se tok uh.

Kuht taltal koluk ac srihke in oraclah wolac.

Kuht puhla mihs ac etuh lah kuht nuhnak muhnahs nuh se.



Luhlahlfongi, Sucu,  
Kahsruh

# Sokuhllah ke Kuhtwena Pacl, Oacna Sie Acn, Kuhtwena Inkacnek

*Forfor luti uh ma ke in luti. Jisus El luti pacl nuhkewewa ac acn nuhkewewa.  
Kuht kuh in oruh oacna.*

In “luti” pa in sang kuhlwasnsap, karihgihn, kuh kahsruh ma sang ahkkweye kuh engan luhn mwet sahyac. Forfor luti pa in sokwack inkacnek in luti mwet kuht muhtwacta yohroh uh. Jisus Kraist El luti nuh sin mwet nuhkewewa—pacl nuhkewewa ac acn nuhkewewa. El kihteyac mwet 5,000, ahkkweyacl Mary ac Martha ke misac luhn tamuhlwel wiyaclos, ac luti wosasuc Lal nuh sin muhtwacn se ke acn in utkof sac. El oruh ke srihpen luhngse pwacye Lal.

In ukwe srihkarak Lal, in mwet forfor luti kuht kuh in etwacnah ac luhngse kais sie tahmtahel kuht luti uh, esamyacna luhngse sacn pa pwe-lucng ke ma nuhkewewa kuht oruh uh. Ke kuht pruhe nuh ke kolyuck in etuh ohiyac in kuhlwasnsapwac ac kahsrwel ahkfokokoye luhlahlfongi lal, “lipufacn uh koflah tulokihnyucki nuh ke wo wi lasr uh.”<sup>1</sup>

Ke u luhn Rilif Sosaiti ke 1842 nuh mihsenge, in luti muhtwacn uh ahkinsewowoye moul uh. Nuh ke mwe srihkarak, Joan Johnson, sie katinmas yac 82, ac companion in forfor luti se lal ah muhtwacta yurin mwet tuhlan se lalos suc yac 89 ac maskihn pneumonia. Elos kuh in liye lah mwet tuhlan se lalos an tiac enenwaclos pacl se ke mahlwem se, oruh elos muhtwacwacack fahsrwel ke wik nuhkewewa ke muhtwacta ac ke tacluhfon.

Nuh sin mwet forfor luti sahyac an, suhpweyuck text kuh email sang ahkkweyeyuck kuh in pa ma wo emet in oruh nuh sin sie tahmtahel ke mahlwem sacn. In oruh kuhpahsr luhn kais sie ac lohng ke atac in luhngse pa ip yohk emet ke forfor luti uh. Technology pacl inge uh ac in yorack na muhtwacta uh kahsrwe kuht in oruh kuhtwena pacl, oacna sie acn, ac ke inkacnek

puhkantwen.<sup>2</sup> Ma ingacn pa luti ma Jisus El oruh ah.

## MWE KAHSRUH

1. *Teachings of Presidents of the Church: Joseph Smith* (2007), 454.
2. *Liye Handbook 2: Administering the Church* (2010), 9.5.1.

## **Nuhkuh Ma Se Inge**

Kuht ac tihlokihyac fuhkah in elyah ke “ma oasr srihpac” ke forfor luti uh ac sahyacna in lohacng nuh ke enenuh luhn kais sie tahmtahel ke forfor luti lal uh?

### **Luti**

Likina in nuh pweng sac na, sra puk ke kais sie mahlweminge fihliyac kain in ip yohk in kahsrwe kuht luti wo liki met ah nuh sie sin sie. Ke kom pruhe ac suk mokleyuck uh, kom fah etuh pweng ac kuhlwasnsap ke nguhn ma kais sie tahmtahel uh enenuh uh.